

百弊叢書

王鈍根先生編纂

新中國社會罪惡史
新官場家庭現形記

百弊叢書

上海中華圖書集成公司

百弊叢書卷四十三

游場百弊

大忍

中國游場可分新式與舊式兩種。新式游場如滬上大世界、新世界、先施公司之樂園、永安公司之天韻樓等是也。此等游場上海成立最早，近則北京、南京、無錫亦次第仿效舊式游場，如蘇州之元妙觀、上海之城隍廟、南京之夫子廟等是也。此等游場凡都會之地均有一二所，可任人游覽，非如新式游場必先購游覽券方得入門也。其他若蘇州之留園、北京之中央公園，介乎新舊之間，此游場之大較也。

游場之形式既有差別，游場之內容亦不相同。其中情弊遂不能一概言之。

況記者足跡未遍全國所歷游場祇十數處欲舉彀中弊竇抉發無遺不敢自欺以欺人但天下事舉一可以反三因此可以測彼然則游場之弊苟擇顯著言之其餘可概想也故自忘拙陋分節述之如次

第一節 新式遊場之弊

(一)門票之弊 各處新式游場先購門票始得入覽普通章程每人一票票價一二角或三四角不等童僕減半黠者如游客三人乃購客票二張僕票一張於是得佔半張票價便宜矣更有與驗票人相識者游客三人僅購票兩張亦可混雜進去不加攔阻最狡獪者場內有熟識之人託詞訪候不購門票徑入游覽此門票舞弊之大概也

(二)茶房之弊 新式游場茶價規定揭示牆壁手巾小帳分文不取然而

茶房於茶價之外往往浮收手巾錢此種情弊滬上各游場到處皆然不但此也如遇鄉間上來之游客情形不熟泡茶一壺定價祇六十文若付以小洋一角卽乾沒不找更有見游客懦弱可欺硬以鉛角掉換最可惡者凡收下茶壺見其茶色尙濃另行儲放遇游客泡茶卽以應之是一壺茶葉可收兩次茶價諸如此類其弊甚多

(三)說書先生之弊 各處新式游場訂聘說書先生彈唱各種詞曲小說一般女客最爲愛聽此等先生光澤其髮小白其臉衣服亦頗漂亮每說至穢惡之處形容盡致而眼光恆注射女客之面以試其吊膀之術凡輕浮女客聽至得意忘形之處亦集視線於說書先生之身及至下場故與招呼若輩卽挨坐其間嘖嘖私語一般慣掉槍花之姨太太少奶輩假託生日等名

義招致到家彈唱。于是構成種種淫惡之事矣。

(四)新舊劇場之弊。新式游場中類多有劇場。或演文明新戲。或演京班舊劇。從前不另取資。滬上自某游場開端。收戲資六十文。贈香烟一包。厥後祇收戲資。不贈香煙。今則價目又增。較諸舞臺看戲所省無幾。況各舞臺購票入場。中間有事出外回來。不必再行購票。而某遊場之戲券。一離劇場。卽失效力。如再入覽。重購戲券。近則某游場之新劇亦效其法。如欲觀劇。須另購戲券。夫游場之門票。名曰游覽券。於理場內各處均可游覽。今乃巧立名目。額外收資。此弊之一端也。各舞臺看戲。可以定座。人類雖雜。尙得防杜。游場中看戲。羣衆雜座。一般拆梢匪徒。混於其中。失物失財。時有聞見。此弊之又一端也。

(五)影戲場之弊 影戲場中最大之弊一曰淫二曰盜此時燈火全熄一般無恥婦女與浮薄少年實爲媒合之最好機會黑暗之中不但唧唧嚶嚶互道私慕且有偷偷摸摸不堪形容敗俗傷風莫此爲甚至於摸袋剪綰之徒亦以此時爲最好時機固一般觀客注意於劇情且全場墨黑視察不及若輩乃得大試其手段其靈捷者能於座後截割他人下裝身服故入影戲場中不可不處處小心也

(六)彈子檯之弊 游場之設彈子檯原備游客游戲運動今則以銀錢賭勝輸贏之數或多或寡聽客自定大概每盤抽洋幾角如賭局之抽頭然是藉運動之名以行賭博之實也

(七)跑冰場之弊 滬上新世界大世界各游場每至冬季添設跑冰場始

則。僅。有。少。數。青。年。藉。以。運。動。繼。則。女。子。亦。屬。雜。其。間。今。則。少。年。男。女。挽。手。並。肩。勾。頸。搭。背。周。流。場。中。恬。不。爲。恥。因。此。而。成。暗。昧。之。事。者。不。可。勝。道。實。爲。敗。壞。社。會。道。德。之。弊。也。

(九) 中西餐之弊 各處新式游場均發售菜券大概中券半元西券一元

連游資在內既得游覽又可譙飲似乎便利豈知此種食品異常惡劣較諸外間菜館毫不便宜況此種菜券祇有膳品所有酒資飯資均須另加而價值比外間昂貴數倍是以熟悉情弊之游客決不購此有名無實之菜券也

(十) 小販之弊 新式游場皆有賣香烟賣五香豆賣西瓜子賣糖果各小販價值既比外間昂貴而遇外鄉來之游客往往抑短角洋價值更有硬掉鉛角等情弊最可惡者游客攜帶零星物品稍不留神遺落地板若輩卽拾

去不還。因此而起口角者，亦時有見聞。

第二節舊式游場之弊

舊式游場內容無一定之組織，把戲百要紛然雜陳，秩序凌亂，品類不齊。其中說書攤盡是淫詞艷曲，陷害人心，陳列之婦女用品大都來自東洋，混充國貨，百物價值無一確實。過外鄉游客慣用其欺騙手段，詐取其錢，最可恨者，開設之點心攤，污穢不堪，雖腐敗之物亦售於游客，足爲釀成疫病之媒介。更有名爲賣東洋戲者，外置木框，裝顯微鏡頭於上，內有圖片，抽動觀者投銅圓一枚，即可由鏡面窺視此中圖片，至爲穢褻，大半屬春宮之類，傷風敗俗，莫此爲甚。尤有令人憎厭者，一般乞丐追隨游客之後，不與則跟之，不去與之，則此往彼來，絡繹不絕，卽如上海之城隍廟，乞丐之多，難於計數。站

崗之警察毫不顧問殊可怪也此等游場更有擾害游客者即當地之棍徒及混雜之竊賊游客稍不自慎明則敲詐暗則偷摸此等情弊幾乎到處皆有凡屬游客不可不注意也

第三節 半新式游場之弊

半新式游場即前篇所言蘇州留園北京中央公園之類是也內容設備較舊式游場稍見整齊較新式游場尙多缺點此中弊竇似不及上述兩種游場之多惟地方遼闊房屋幽深怨女癡男每假游覽之名以赴幽期密約而場內僕役亦有受其賄託以作撮合之山者此不得謂非弊之一端也

記者撰此篇畢適許指嚴先生惠顧共道游場趣聞許君略述二則茲

附錄之以餉閱者

也是狗男女

指嚴

偶游新世界步上自由廳品茗忽見有怪狀女子二人高坐藤椅中狂談騎驢風味聲浪甚高一時游客均極注意正縱談間一女忽招茶房來令其購使館牌香烟一匣茶房唯唯而去俄次女厲聲問其烟何在茶房乃嬉皮涎臉問其錢何在女子乃震怒猛起立批其頰於是女之詈罵聲茶房之辯護聲旁觀者之譁笑聲喧成一片後經和事出爲排解其事始寢女既自取其辱茶房亦不守規則直可謂遊戲場中之狗男女也

覆水興波

指嚴

皖人郁某前居京華曾爲某局科員當洪憲皇帝失敗時挾北里妓女小翠荷走天津初賃居英租界一對同命鴛鴦畫眉窗下自比爲天上人也奈小

翠荷奢侈已慣。且個中人水性揚花。視爲常事。見郁某囊金告罄。漸露壯士牀頭之慨。因陽以色笑示親好。而陰則物色如意公子。爲肘後之錦囊焉。會至某舞台觀劇。有登徒子孫某。見該女而豔之。神魂飛失。據法縱綜。始悉居址。每乘郁他出時。有情人把晤門前。遂成密約。旋即偕遁。滬上擇虹口某里爲私寓。郁訪聞之。追蹤至滬。然覓之已久。終如滄海遺珠。蓋郁旣人地生疏。又無財勢。是以無從探索。誰料郁於某日。偶在樂園遊戲場散悶。忽見影戲叢中。現出可人倩影。依稀無恙。乃密告偵探某甲。願奉五十元爲壽。許得將該女領回。當由探員上前。將男女軋住。時孫與女俱見郁在知事不妙。乃暗以鈔幣百元投畀。該探遂得雙雙自由行動。躍上汽車。橫目視郁。一種嬌悍之情。不可言狀。郁某則嗒焉若喪。踽踽自歸。

百弊叢書卷四十四

餐館百弊

慧 儂

飲食關係人生口體之養。故餐館乃爲社會重要商業。市面繁盛之地。不下數十百家。卽偏僻村鎮。亦必開設一二。所以供給行旅商賈之需要。但同爲餐館。其中派別甚多。一曰大菜館。烹飪之法。純效歐美。二曰京菜館。雇用廚司。多係北人。其風味悉迎合北方之人嗜好。三曰蘇菜館。烹調滋味。悉屬蘇人所喜。在京都名曰南菜館。凡江浙人士有宴會者。大概用之。四曰維揚菜館。其膳品風尚。介乎京蘇之間。凡山東安徽及蘇省江北人士喜之。五曰閩菜館。此中食品。悉爲閩人所好。六曰川菜館。大概四川及雲南貴州人士喜。

食之七日。廣東館都爲粵人開設。菜味烹法完全粵派。此餐館之大概情形也。

餐館派別各有不同。其間等級亦大相懸殊。最上等者爲大餐館。房屋高大而幽深。客座清潔而雅緻。每上一次菜。所有刀叉用具調換一次。盛饌之器皿又備極潔淨。若各幫特別餐館。可列爲上等膳品。精美座位舒暢。至普通餐館。大概稱爲中等餐館。凡尋常宴客最爲相宜。再下卽便飯館。斯爲下等。入其中。但圖飽腹而已。

餐館之等級既明。始得進而言其情弊。大約等級愈高。弊竇愈多。茲按等分述如次。

(甲)大餐館之弊 近來通商巨埠省會要區。莫不有大餐館開設。蓋世人

習。尚。奢。華。趨。之。者。多。獲。利。可。操。勝。算。故。也。大。餐。館。內。部。組。織。較。其。他。餐。館。完。備。而。種。種。弊。竇。亦。較。其。他。餐。館。爲。多。試。列。舉。言。之。

(一) 帳房 大餐館之帳房專司銀錢出納。例如用人之薪水由其給發。雇客之菜帳由其經收貨物之款項由其支付。其他房金等一切雜費莫不須帳房過手。財權重斯弊易生。於是用人而關係親友者則容情宕帳。雇客之中平時交游者或放濫帳或任延欠。或客帳已收入於私囊而冊上仍不銷化。或於付貨款時私收回扣。諸如此類不可勝數。

(二) 買頭 大餐館中凡應用之洋酒罐頭食物及鮮貨等皆有一人專司進貨。謂之買頭。先生買頭之弊或以次等貨品報上等物價。或支取現款向上家欠帳。至於收回佣買小貨乃常有之弊。不足爲異。

(三)管工 大餐館雇用廚夫等輩亦有人專司是謂之管工。凡新開大餐館延管工一人。所有西崽廚夫均可連帶而至。故若輩通同一氣。過生意發達。卽羣起要求加薪。或向帳房借宕設不遂其意。卽全體辭職。或密囑廚夫之重要脚色及熟悉主顧之西崽。臨時告假。如是則主顧以應酬不週。菜味不佳。交相責難。商業立可墮落。滬上四馬路某家春大餐館。予友張君亦有股分。本年春得悉管工某借宕巨款。於是令帳房追算。未幾卽有廚夫兩人。西崽兩人。告假。張君不以爲意。詎是晚主顧卽有種種詰問。未滿一週。營業大受影響。後以帳房斡旋告假之廚夫西崽依然回復。商業亦漸有起色。然而管工之宕帳絲毫未有歸墊也。觀此可知其中弊竇深矣。

(四)廚夫 廚夫除前述加薪告假外於各種烹膳材料不免染指或於來路貨食品有意糟塌例如牛尾一罐普通可分做兩客渠偏言不敷若強令做兩客渠有意將濃液潑去於是主顧者交起責難矣故開設大餐館駕駁廚夫使之帖服亦頗不易也

(五)西崽 大餐館中西崽猶普通餐館堂倌也專爲伺候主顧其精幹者非但大老闆少頗資信任即姨太太奶小姐輩亦爲其籠絡於本館營業大有裨益此輩既具如是本能作弊遂毫無顧忌例如檯上排列茄辣醬油等瓶原備食客臨時應用渠乃時以空瓶調換售於外間又裝設之電燈渠乃預購損壞之燈泡乘機調換又遇食客惠帳給以鈔幣渠乃易以銀幣夾雜折色者一二枚又如菜帳爲十元零三四角食客如數付給